



Polazeći od zajedničkog interesa i ukazane potrebe za unaprjeđenjem obrazovne i stručne saradnje, a u svrhu definisanja uzajamnih obaveza između:

„avaz-roto press,, d.o.o. Sarajevo, ulica Tešanjaska broj 24a, 71000 Sarajevo, koje zastupa direktor Bojan Varunek

i

Univerziteta u Sarajevu - Fakulteta političkih nauka, Skenderija 72, 71000 Sarajevo, kojeg zastupa prof.dr. Sead Turčalo, dekan

(u daljem tekstu: **Strane potpisnice**) zaključili su

SPORAZUM O SARADNJI

Univerzitet u Sarajevu – Fakultet političkih nauka i „avaz-roto press“ d.o.o. Sarajevo, uvažavajući važnost upotpunjavanja teoretskog znanja praktičnim, ovim Sporazumom potvrđuju potrebu i spremnost na zajedničko djelovanje u cilju podizanja kvalitete obrazovnog i stručnog rada koje se realizira u vidu stručne prakse.

I

SVRHA

Svrha ovog Sporazuma je definisanje oblika saradnje između strana potpisnica u oblasti obrazovne i stručne djelatnosti iz nadležnosti Odsjeka za žurnalistiku/komunikologiju. Saradnja će se odvijati na principima obostranog interesa, kroz zajedničko angažovanje materijalnih i ljudskih resursa.

II

AKTIVNOSTI DEFINISANE SPORAZUMOM

Primarna aktivnost čije provođenje predviđa ovaj ugovor je organiziranje studentske prakse. Uvažavajući interes i potrebu za unaprjeđenjem stručnog obrazovanja studenata Odsjeka za žurnalistiku/komunikologiju i upoznavanja studenata sa praktičnim radom, strane potpisnice obavezuju se na zajednički rad u domenu praktičnog obrazovanja studenata i organiziranja studentske prakse.

Sporazum će se realizirati kroz kontinuiranu saradnju strana potpisnica na organiziranju studentske prakse, praćenju studenata kroz proces obavljanja prakse i evaluacije studenata po završetku tog procesa.

Praktična nastava realizirat će se shodno nastavnom planu i programu Odsjeka za žurnalistiku/komunikologiju Univerziteta u Sarajevu - Fakulteta političkih nauka Univerziteta u Sarajevu, te u skladu sa tehničkim i ljudskim kapacitetima „avaz-roto press“ d.o.o. Sarajevo za prijem studenata na praksu.

Pripremne radnje (odabir studenata, kreiranje listi, dostavljanje listi studenata) preuzima Univerzitet u Sarajevu - Fakulteta političkih nauka.

Aktivnosti tokom boravka studenata na praksi, u trajanju od ukupno 100 (stotinu) sati preuzima „avaz-roto press“ d.o.o. Sarajevo.

Evaluaciju studenata nakon obavljene prakse preuzima „avaz-roto press“ d.o.o. Sarajevo, koji predmetnom nastavniku dostavlja evaluaciju studenata, a predmetni nastavnik izvodi konačnu ocjenu studenta i unosi je u sistem na Univerzitet u Sarajevu - Fakultet političkih nauka.

III

TRAJANJE SPORAZUMA

Sporazum stupa na snagu danom potpisivanja, a trajeće do 31.12. 2025. godine.

IV

Sporazum se može mijenjati potpisivanjem aneksa sporazuma strana potpisnica.

V

Strana potpisnica može raskinuti ovaj Sporazum u roku od osam (8) dana u slijedećim slučajevima:

- ako utvrdi da ne postoje objektivne pretpostavke za uspješno izvođenje praktične nastave,
- ako utvrdi da strana potpisnica - partner ne postupa sukladno ugovorenim odredbama.

VI

Strane potpisnice saglasne su da sve eventualne sporove koji mogu proizaći iz ovog Sporazuma rješavaju sporazumno, a u protivnom nadležan je Općinski sud u Sarajevu.

VII

PRIMJERC I SPORAZUMA

Sporazum je sačinjen u 4 (četiri) istovjetna primjerka, od kojih svaka strana potpisnica zadržava po 2 (dva) primjerka.

UNSA- FAKULTET POLITIČKIH NAUKA

Prof.dr. Sead Turčalo,

Broj: 01-3-1136-1/24
Sarajevo, 19.06.2024.



„avaz-roto press“ d.o.o. Sarajevo
Direk

Bojan Varničić

DRU
STA

Dana: 21.06.2024. god.